

Лыдзиськыны – Йёскалык библиотекае

Туннэ, 16-тй куарусёнэ, сйё-дано усьтйськиз выльдэм Национальной библиотека.

Шаерысьтымы Йёскалык библиотека ворсаськиз вал 2011-тй арын кышкытлык-лэсь куронъёслы тупамтэ-еныз валче. Со 8 ар пала шал-шал улйз. Вильдйськон ужъёс рос-прос кутскизы 2019-тй арын. Нырысь чакламын вал выльдэм юртэз усьтыны 2020-тй арын. Но секыт лэсьтйськон ужъёс коркатуез жегатйзы. Табере

тупатъям библиотека осьёссэ усьтйз ини ужасьёслы но лыдзисьёслы.

Татын быдэсак воштэмын выж но вöldэт, выльдэмын 2-тй этажысь лыдзиськон зал, пуктэмын 3 виль пагза но лифт, книга жутиян тйрлык, сöсыр адымиослы тубан-васькан пандусъёс. Реставраторъёс утизы лыдзиськоннилэсь вашкала тусбуйзэ. Будэтйзы на «Удмурт Республикаысь Национальной библиотека» гожтэмен барельеф. Со сяна, кылдйз виль корпус,

отын 1,5 миллион экземпляр книгаос утйськозы, татын лыдзиськон залъёс но ужасьёслэн кабинетъёссы интыяськемын. Вераны кулэ, татын нимысьтыз климат-контроль система ужалоз, книгаосты утёз, омырез тузонлэсь тазатоз.

Национальной библиотекалэн усьтйськемезлы сйзыса, быдэс толэзь чоже пöртэм ужрадъёс луозы. Дунтэк ортчылозы экскурсиос, визь сынанъёс, лекциос, мастер-классъёс, адзытонъёс,

концертъёс, кылсярысь, туннэ виль конференц-залын ортчиз Россиясь крезьгурчилэн, писательлэн, искусствоведлэн Михаил Казиниклэн «Нош тй быгатйськоды-а лыдзиськыны» онлайн-лекциез.

— Котькыче бадзым искусство (поэзия, крезьгур, литература) — со аспöртэмлыко передатчик, нош адыми, кудйз солэсь тулкымъёссэ уг кылы — тйяськем приёмник, мон сое тупатйсько, — шуэ Михаил Казиник.

Нош чуказе, 17-тй куарусёнэ, мылкыд карисьёс кылзыны быгатозы Удмуртиысь филология наукаосъя докторлэсь Наталья Кондратьевалэсь «Пайдаё-а трос кылъёсты тодыны» лекцизэ, пумиськыны Москваысь А. Райкин нимо «Сатирикон» театрысь актёрен, режиссёрен Яков Ломкинэн. 18-тй куарусёнэ Иже вуоз Россиясь калык артист Александр Филиппенко, Национальной библиотекаын со возыматоз «У автора в плену» (12+) моноспектакльзэ.